

MESKER - ARUBA N.V.
MOSAICO di PLASTIC
Un bonita vloer pa cu-
shina, pasillo y banjo.
Practico y moderno!!
FABRIKAAT
LINOLEUM KROMMENIE
TEL. 1325

ARUBA ANSE COURANT



Diario pa



Aruba

KING SIZE COCA-COLA
MORE FOR YOU!

NOW!!
AIRCONDITIONING
FOR
COOLNESS



DIASABRA 14 JULI 1962

No. 4386

Conferencia di prensa di Dean Rusk

WASHINGTON, 14 juli — E mul-
ter mericano di exterior, Dean Rusk,
a rechaza ayera noch durante un con-
ferencia di prensa, e proposicionnan
haci pa Chroesjef, door di reemplaz
trupanan Ingles, frances y mericano pa
trupanan for di paisnan miembro cu ta
mas chiquito.

E no kier a bisa, si e proposicion-
nan ta tocante Berlin y Alemania occi-
dental a ocasiona un crisis nobo. E
dos partidonan ta aindi ta di opinion,
cu ta importante di tene contacto to-
cante e asunto aki, hasta si no ta cla,
cu e contact aki, lo conduci pa solu-
cionnan satisfactorio.

Rusk a bisa, cu el a papia cu em-
bahador Ruso Dobrinin, tocante e kes-
tion Berlin y kestion di desarme, pa

preparacion di e deliberacion, cu e lo
tin cu e minister Ruso di exterior,
Gromyko, na Ginebra.

Rusk a bisa tambe, cu e ta lamen-
ta, cu Chroesjef ta uni inspeccion in-
ternacional cu spionaje. E opinion aki
ta forma un dje barreranan di mas
grandi, cu nan mester vence.

Rusonan no kier papia di un gran
cantidad di cosnan, cu ta di interes
pa Merca, por ehempel, e arreglonan
pa henter Berlin, pasobra nan a bisa,

cu nan no por papia tocante cierto
asunto.

Segun Rusk, si e unico fin di deli-
beracionnan ta consisti di haci e po-
sicionnan occidental menos, no ta existi
ningun base pa deliberacionnan serio
tocante interesnan vital di occi-
dente.

For di circulan oficial Mericano
na Washington, nan a tende, cu minis-
ter Rusk y embahador Dobrinin na e
deliberacionnan tocante Berlin y des-
arme, a keda riba nan punto di bista.

Comentario Ruso riba kestion Nieuw Guinea

MOSCU, 14 juli — E corant ruso di
forzanan di guerra, "Krasnaja Zvezda"
(Estrella Roja) a scribi ayera en comen-
tario riba Nieuw Guinea, "E situacion-
nan den e guerra guerrillero, cu a worde
crea na Nieuw Guinea, ta di es manera,
cu e forzanan relativo hulandes di gue-
rra lo desaparece manera sneeuw dilanti
solo.

E candela pa lucha di libertad a haci
Nieuw Guinea corra di cayente. E colo-
nialistanan no por sigui mantene e pais
indones aki, ni tampoco, si un persona
por tene un pida metal cora di cayente
den su man.

E corant a bisa: "Miles di solda hu-
landes, varios bapor di guerra y un
cantidad grandi di avionnan a pone nan
nester den lucha contra e luchadornan
li libertad na Nieuw Guinea.

"E actuacion cruel di expedicionnan
di straf ta kima pueblonan, pone pobla-
cion den campo di concentracion y ma-
ta hende".

Tur e cos aki ta worde haci tras di
un cortina di humo di e hulandesnan,
asina Krasnaja Zvezda a anuncia.

Deliberacionnan Hulandes-Indones

E embahador hulandes na Washington
dr. Van Rooijen, e embahador indones
na Moseu, Amam Malik, y e di tres
partido, na e deliberacionnan hulandes
indones, e ex-embahador mericano El-
sworth Bunker, a bai ayera noch pa e
landhuis, cerca di Washington, pa nan
deliberacionnan tocante Nieuw Guinea.
hulandes, segun nan a anuncia nan a
tene ayera noch un deliberacion di in-
troduccion. E landhuis ta keda na 50
kilometer di Washington. Nan ta spera
cu awe e ex-embahador Bunker lo duna
un declaracion tocante e prome delibe-
racionnan. Ta e mesun landhuis, camin-
da nan a tene na maart e delibe-
racionnan hulandes indones, tambe den
presencia di ex-embahador Bunker.

Minister mericano di exterior Dean
Rusk, a bisa ayera na un conferencia di
prensa. Cu e kestion Nieuw Guinea ac-
tualmente ta den man di e gobierno hu-
landes y indones. Den e actual estado
asisti door di sr. Bunker, ta posibel cu
e deliberacionnan aki den algun punto

Accionnan na Nieuw Guinea

E cantidad total dje paracaidistanan
cu a rendi e ultimo dos dianan aki na
e costa sur y este di Nieuw Guinea, ta
mas o menos 85 hombre. Hopi di nan
a rendi den e territorio di accion Kai-
mana, asina e oficina gubernamental di
informacion a anuncia ayera. Nan ta
investigando si a keda mas dje grupo
di paracaidistanan. Na Temibuan, un
hoben Papoea a muri, door di un tiro
for di su pistol, ora cu e tabata limpiele.
També un otro hoben banda di dje a
hanja herida.

PRUEBA CU TELSTAR

ANDOVER, 14 juli — E satellite
telstar, a funciona bon den e ultimo
24 ora. Un vocero dje compania Meri-
cano telefun, "Bell", a anuncia, cu
for dje datonan cu e telstar a transmi-
ti, ta parce, cu e ainda e satellite ta
funcion bon. Algun emisor Meri-
cano tabata algun dificultad chiquito
cu contacto di radio, ora cu e satellite
tabata leu dje estacion. Hopi emi-
sora, entre cual esun di Andover y
Cabo Canaveral no tabatin dificultad-
nan.

Un vocero dje servicio Britanico di
telegraf, a anuncia, cu nan a tene e
promer conversacion telefonico via tel-
star. E trafico di telefon den ambos
direccion ta masha satisfactorio.

UNION INTERNACIONAL PA SINDICATONAN LIBER

BERLIN, 14 juli — E di shete con-
greso mundial dje union internacional
di sindicatonan liber, a insisti den un
resolucion pa un acuerdo urgente pa
un prohibicion permanente riba prue-
banan cu arma nuclear bao di sufi-
ciente control. E union aki, ta haci un
yamentu na e participanten na
e conferencia di Ginebra, pa aumenta
nan intencionnan pa yega na un des-
arme general.

DAKOTA (ANT.) A GANA ULTIMO WEGA

(Di nos redactor deportivo)
DiaRazon, anochi, e ultimo wega
entre e equipo di Dakota reforza cu
cuatro di Corsow y hungando asina
bao nomber di Antillas Hulandes, y
e seleccion di Jamaica a worde hun-
ga. E antillanonan den e ultimo partido
aki a sali victoriosu cu anotacion di
2 gol pa 1. E golman Antillano a wor-
de anota door di Edwin Loran y Nulfo
Sieba. E saldo final pues di e wega-
nan na Jamaica no a trece un gana-
dor ya cu e promer wega a termina
den un empate, e segundo den un
triunfo pa e Jamaicaconan y e tercer
den un victoria pa e antillanonan.

Kehando di e tremendo calor cu ta
haci na Jamaica, e delegacion a bolbe
nos isla di Netherlands.

ERRES 14 VERF ANTILLANA 11

(Di nos redactor deportivo)
E partido di baseball clase A entre
Erres y Verf Antillana, a termina den
un triunfo di 14 carrera pa 11 den
favor di Erres. E team aki a conec-
ta 10 hit y comete 6 error, mientras
cu Verf Antillana a conecta 14 hit
y pifa 7 bisha. Pitcher ganador taba-
ta Cannegieter. Pa Verf Antillana a
perde Kuythof.

AYUDO MERICANO NA EXTERIOR

WASHINGTON, 14 juli — E ca-
mara Mericano di delegadonan a pro-
ba cu 250 contra 164 voto e progra-
ma pa ayudo na exterior, pa un suma
di 4.6 miliard dollar den e anja di
impuesto, cu a cuminsa for di dia
prome di juli.

Actualmente, un comision di sena-
dornan lo trata, di nanja un compro-
mis, cu nan lo pone pa aprobacion
dilanti di ambos camara dje con-
greso.

Camara Mericano di delegadonan,
tambe a acepta cu 277 contra 4 voto,
e proposicion di ley, conatinendo un
prohibicion general pa duna ayudo
na paisnan comunista. President Ken-
nedy, tin e autorizacion, pa duna bao
di cierto circunstancia, ayudo di ex-
terior pa paisnan comunista. Prom-
nan a rechaza, un proposicion pa
prohibi ayudo di exterior, cu e pro-
visionnan di mas di cuminda, pa e 18
paisnan, entre cual tin Joegoslavia y
Polonia.

Entre e proposicion di ley cu nan
a acepta, president Kennedy, ta man-
tene un parti grandi di su autorisa-
cionnan, cu su antecesornan tabatin ri-
ba terreno di ayudo na paisnan en
kestion. E por duna e ayudo aki, si
e ta di opinion, cu e ta den interes
di Merca, si e pais no ta wordu go-
berna door di comunismo internacio-
nal, y si e ayudo por aumenta inde-
pendencia dje pais.

CONFLICTO PA PRESIDENCIA NA PERU

LIMA, 14 juli — Fernandi Belaude
Terry, e lider dje union di pueblo na
Peru, a propone, di nombra un co-
mision neutral pa entemedia den e
converse tocante succion den pre-
sidencia. E comision mester hanja un
situacion, cu ta acceptable pa tur par-
tido en kestion.

Den un discurso na Arequipa, el a
propone, cu e comision mester ta bao
di direccion di Gardinal Juan Land-
azuri ricketts.

Na e mesun momento e cardinal a
haci un yamentu pa unidad nacio-
nal na Lima. Nan a saca comunicadi-
nan di reconciliacion.

Belaude Terry, a duna e gobierno
24 ora pa cumpli cu su peticion pa
recrea un tribunal pa e resultadonan
dje recien eleccion.

E colegio aki mester reemplaza e
jurado nacional di eleccion, cu a con-
ta e votenan. E comando supremo dje
forzanan di guerra Peruviano a saca
un comunicado, den cual e ta bisa, cu
irregularidadnan serio den eleccion-
nan di 10 di juni a falsifica e voluntad
dje pueblo.

Ngo Dinh Diem ta reemplaza helenan di provincia

SAIGON, 14 juli — Pa desicion
di president Ngo Dinh Diem nan a
reemplaza e cuatro helenan dje cuar-
tro provincianan Sur-Vietnanes. E
helenan nobo di provincia ta, mescos
cu nan antecesornan, oficialnan di
ejercito. Nan no a duna ningun rason
pa e reemplasamiento.

ROBO NA MASSACHUSETTS

Na Waltham, den estado mericano
Massachusetts, bandidonan a horta un
suma di \$2.000 dollar for di un auto
di un banco. Nan a hui despues di a
corta tayranan dje auto. Polis ta supo-
ne, cu nan tabata dispone di un yabi
dje auto aki.

HEINEKEN'S DEN ACCION NA CORSOW AWE Y MAJAN

(Di nos redactor deportivo)

E actual campeonnan AA di nos
isla, Heineken's ta sali awe merdia
2'or pa Corsow, caminda nan tin
tres compromiso di cumpli cu nan.
E promer partido lo ta awe noch
contra di e novena di Amstel. Luego
majan mainta, Heineken's lo enfren-
ta Sta. Rosa Indians, mientras cu e
ultimo wega lo ta majan atardi pa
3'or contra di e novena di Lucky
Strike.

Actualmente e equipo di Lucky
Strike ta naabez di e campeonato
AA di Corsow, sigi pa Sta. Rosa In-
dians den e segundo puesto.

E delegacion di Heineken's ta bai
bao direccion di president Calvin As-
sang. Nan lo bolbe diLuna mainta.

Unicamente un refuerzo nan ta hi-
bando, esta e lanzador derecho Rufus
Arrindell, lanzador di Esso Servicen-
ter.

Un weekend pues di interesante
baseball e fanaticonan di Corsow por
goza di dje.



Trupanan hulandes a tene exercicionan
den becindario di Sentani banda di Hol-
landia na Nieuw Guinea Hulandes. Aki
nos ta mira, con un "presu" cu a ser
sorpren di den e selva ta worde liba pa
campamento.

AFILIACION BRITANICO DEN C.E.E.

LONDEN, 14 juli — E prome minis-
ter britanico, Harold MacMillan, a laga
sa ayera den Camara de los Comunes
cu na e conferencia di prome minis-
ternan di paisnan di mancomunidad
na september proximo nan lo vota, si gran
Britania por afilia na e Comunidad
Economico Europeo. En respuesta riba
un pregunta, di un miembro conservati-
vo, e premier a bisa, lo dieldi tocante
marcha di asuntunan na e conferencia
di prome minisaternan di paisnan di
mancomunidad, e prome minisaternan
conbutamente. Tabata semper nos re-
gla, pa cambia di idea na e reunionnan
aki y tene discursunan, pero no tuma
decisionnan, cu ta compromete e gobier-
nonan di mancomunidad, segun Harold
MacMillan.

INDICACIONNAN DJE CONSEJO INTERNACIONAL DI TIN NA MERCA

LONDEN, 14 juli — Na un reu-
nion dje consejo internacional di tin,
cu nan a tene e siman aki na Londen,
nan a alcanza, un acuerdo tocante un
cantidad di principio, referiendo ben-
dementu di tin for dje provisionnan
Mericano nacional, cu nan lo ordena
na e gobierno Mericano.

E consejo a yega di acuerdo, pa
manda un delegacion Washington, pa
papia cu e gobierno Mericano tocan-
te e indicacionnan.

Nan a ricibi cu duce, e peticion di
retiro dje president dje consejo, senior
Georges Peter, cu a acepta nombra-
mento door di Nacionnan Uni. Por lo
promto e prome vice-president dje con-
sejo, don Manuel Barua (Bolivia) lo
hingi como president te ora cu nan
nombra na e siguiente reunion dje
consejo dia 14 di agosto un president
nobo.

VICTIMANAN DJE SPOOR- WEG THAILANDIA-BIRMA

TOKIO, 14 juli — Un vocero dje
ministerio Hapones di exterior, a de-
clara, cu no ta existi ningun obliga-
cionnan constitucional, pa Hapon, pa
duna pago di danjo di perhuicio, na
victimanan di Maleis, di e construc-
cion dje ferrovieria entre Thailandia
y Birma, den segunda guerra mundial.

E vocero a bisa esaki, en relacion
cu e memorandun, cu e union di vic-
timanan dje ferrovieria aki, a manda
pa gobiernonan Hapones y Ingles. Aki-
nan nan a pone e exigencia, cu nan
mester duna pago di danjo di perhuicio,
na e victimanan of familia dje
victimanan, cu no a sobrevivi e tra-
bajo na e ferrovieria aki. E vocero a
declara, cu na anja 1951 nan a regla
e asunto aki riba un manera legal
door di e tratado di paz, cu Hapon a
sera e anja aki na San Francisco
huntu cu 47 otro pais.

E construcion dje ferrovieria di
454 kilometro, tabata encarga door
di ejercito Hapones y manera ta co-
noci e trabao aki a exigui, bida di
varios, prisionero Hulandes, Austr-
liaco y Ingles di guerra, tambe un
cantidad di Birmanes y Malaki, cu
mester a yuda traha e caminda aki
e fallece.

RECIENTE ATENTADO RIBA SOEKARNO

SINGAPORE, 14 juli — Radio Dja-
karta a anuncia ayera, cu e senten-
cia di esnan cu tabata inclui den e atentado
riba presidente Soekarno na mei di e
anja aki, lo cuminsa dialuna awor. Ma-
nera nan a anuncia eaba, nan a los dia
14 di mei na Djakarta varios tiro riba
presidente Soekarno, cu tabata duna un
discurso na un fiesta mahometano. E
presidente a keda ileso.

MILITAR HULANDES NA BIAK A SUFRI ACCIDENTE

DEN HAAG, 14 juli — E solda den
servicio militar obligatorio W. J. Boel-
houwer, for di Enschede cu ta keda na
Biak, Nieuw Guinea Hulandes, a hanja
un herida asina serio, cu el a muri al-
gun ora despues na su heridanan. E
solda Boelhouwer tabatin 20 anja.

BISHITA DI MINISTER CALS NA OCCIDENTE

DEN HAAG, 14 juli — Minister
Cals lo sali dia 26 di juni pa un bishita
na occidente, caminda, manera nan a
anuncia eaba, lo participa na un di tres
reunion dje consejo cultural conseha-
tivo pa e reinado.

E hefe di estado aki, lo sali cu
„Prins der Nederlanden" di KNSM
pa Corsow. Despues di un estadia chiquito
ayanan, lo sigui pa Surinam pa e reu-
nion dje consejo, den e di dos mitar di
agosto proximo.

Nan a arresta na Francia miembronan di Ejercito Secreto

PARIS, 14 juli — Ayera nan a anun-
cia na Paris, cu dos siman pasa nan a
arresta Henri Darmagnac, cu ta sub-
comandante di un grupo di ejercito se-
creto. E grupo ta consisti di 16 unidad,
ta specialisa su mes pa comete atenta-
donan na Francia. Tambe nan a arres-
ta 4 lider dje unidadnan aki. Dagmag-
nac tabatin intencion pa haci un in-
tento pa libera general dje forza aerea
frances, Edmond Jouhaud, cu nan a
condena pa morto. Tambe nan a arres-
ta ocho complice di Darmagnac, entre
cual tin dos muher y un capitain di
ejercito den servicio activo. Nan lider
tabata e ex teniente, cu ta conoci, bon
dje nomber, capitain Andre. E capitain
Andre, aki a conduci tur e atentado-
nan, cu nan a comete e tres lunanan
cu a pasa na Paris.

Atentado riba bida di Abije Abeba

Un granada cu nan a benta den un
multitud cu eal e minister Ethiopes
interino, general Abije Abeba, tabata
papia, a heridelo levemente. Nan a
comete e atentado den becindario di
Asmara, e capital dje provincia Erit-
ria. Cuatro persona a muri y varios
ta herida, nan a haci algun arrestacion.
E corant Ethiopes, a acusa e trai-
dornan cu a comete e atentado aki.

CANDELA GRANDI NA CANNES

CANNES, 14 juli — E pueblo Theoule
den becindario di Cannes na Riviera
frances a worde azota den anochi pa
un candela grandi di mondi. Varios
villa y un campo di vacacion na Theoule
a keda bashi, mientras e corriente den
e pueblo ei a cai.
Centenares di bomberonan for dje be-
cindario, apoya door di soldanon, gen-
darmer y civilnan, a tuma lucha contra
e candela di mondi. No a ser anuncia
si cu tabatin victima.

Banda di merdia nan tabatin e can-
dela bao di control. Nan no a anuncia
victima ni tampoco casnan cu a keda
destrui. Pero si cu mas di 500 ha. di e
mondi a kima.

MORTO NA ACCIDENTE CU AVION

Un helicopter di fabricacion Frances
a cai na Garmisch-Partenkirchen, den
un ravina. Cincu ocupante, entre cual
tabatin dos Frances a muri.

Segun un vocero di ejercito di Ale-
man a occidental, tabata trata akinan
di un modelo nobo di hidravion, cu
nan ta usa, pa trupanan Alpinista.

CINCU ANJA PA HUNSCHE

FRANKFORT, 14 juli — Un corte
di justicia na Frankfort a condena
Olo Hunsche, un ex-colaborador di e
perseguidor di Hudio, Eichmann, cu
nan a ehecuta na Israel, pa cinco an-
ja den prison riba acusacion di com-
plicidad na morto di Hudionan.

MORE
FLAVOR
FOR
EVERYONE'S
FAVORITE!



BROILED HAMBURGER

1 MAGGI'S BOUILLON
CUBE dissolved in 1 1/3 c. boil-
ing water • 2 lbs. chopped
meat • 1 tsp. onion juice • 1/4
tsp. pepper • 1 1/4 tsp. salt •
parsley • 3 tsp. shortening
melted • 1/4 c. catsup.

Add onion, Maggi's Bouillon
to meat. Form into balls.
Broil. Add seasoning, catsup,
over melted shortening. Pour
over hamburgers on hot plat-
ter. Garnish with parsley.

another Nestlé quality product

MAGGI'S
BOUILLON CUBES

MARIA F. DIAZ REINA DI ZENITH Y ERRES

(Di nos redactor deportivo)



Den nos edicion di ayera nos a
haci mencion di e unica candidata pa
e titulo di Reina di Deporte te ainda
ta Srta. Maria Filomena Diaz, como
candidata di Zenith. Di e president
di Zenith, sr. Bob Martin, nos a ricibi
informacion ayera tardi cu Srta.
Diaz ta alavez candidata di Erres
Baseball Club tambe. E dos teamnan
Zenith y Erres ta pertenece na un solo
organizacion y pues ta worde digna-
mente representa door di e simpati-
ca candidata Srta. Maria F. Diaz.

F A T U M—Tel. 1845
pa tur bo aseguranon

Excursionnan

Awe lo tin tambe algun excursion,
e.o. na haf di Oranjestad. Yamanota,
Lago y Barcadera. Den cuadro di e
excursionnan aqul, ir. Braaksmia di
Koninklijke Maatschappij voor
Havenwerken lo tene pa 4de klasnan
educacion di maestronan un conferen-
cia over di actividadnan den puerto.
Pa termina lo tin dia 16 di juli
un fiesta final grandi pa esnan cu a
slaag na e school. E fiesta aki lo ser
celebra na Eagle Club. Aya e fiesta lo
ser ameniza pa e bando di school i
Alex Toppenberg cu canto i musica di
guitar. Caribbean Ambassadors a tu-
ma e parti di musica bailable na nan
orquesta.

CINCO Y SEIS

El programa di 5 y 6 di e siman aki ta hopi parecido na e programa di siman pasa. Den e caredanan atrobe cu boni cabai cu ta corre baha di grupo y tambe tin varios chemlar nobo cu ta tuma parti den e competencia. Posibilidad di un mercado libre atrobe nos no ta kere cu tin. Mas sigur e 5 y 6 lo paga halto, pasobra lo tin hopi sorpresa.

Tin inscribi pa e caredanan di 5 y 6 di dia 15 di juli 76 chemlar. Tur ta valido. Tin 11 cabi. Tin dos careda exclusivo pa e jineanan cu no a figura des y 10 prome ran riba e estadis di 1962 y tambe na a leza 15 triunfo te na reunion 46 di e oragente temporada. Un di e caredanan aki ta e chemlar di serie 9. R. Salazar y M. Azpuru tin cada uno 5 cabai y V. Aleman y V. Canese y M. Ziadie cada uno tin 4 chemlar ta tuma parti den 5 y 6.

Den e jineanan C. Marquez tin e mayoria di monta cu 5. J. Gonzalez P. y Angel Bracho cada uno tin 4 C. Perez y F. S. Perez tin 3 cada uno. E caredanan di 5 y 6 ta cuminsa te 3.40 p.m. mas laat cu e custumbr.

Ta casi sigur cu e ultimo careda lo no ta duna pa television.

F. PROMER 6 DI ARUBAANSE COURANT

PROMER CAREDA: Pinkerton. Original. Orador. Llave 11. Malbajar y Noticiero.

DI DOS CAREDA: Llave 8. Llave 7. Te. Llave 9. Persian Park y Tlacoc.

DI TRES CAREDA: Gavina. Llave 11. Llave 12. Empire Star. Lando Poir y Black Cat.

DI CUATER CAREDA: Surcouf. Carretel. Coronela. Portugues. Llave 11 y Generalissimo.

DI CINCO CAREDA: Carta Mag-

na. Ahuelo. Llave 11. Electiva. Llave 10 y Fandango.

ULTIMO CAREDA: M.A.A.P.S. Fairfield. Llave 9. Llave 10. Uruguayana y Grand Past.

PROMER CAREDA: Distancia 1700 metro. Handicap fber. Ta corre 12 chemlar di serie 7. Tin un llave 11 forma pa Peleador (50 kilo) cu G. Gavidia y Uruma (53 kilo) cu F. Garcia. E favoritonan ta Original (49 kilo) cu Carlos Cruz. Orador (50 kilo) cu A. Lio Brachi y Llave 11. Original ta bai cu 29 kilo. El a cuba di gana cu 54 kilo riba e distancia di 1800 metro zendo 2 1/2 cuerno d'anti di Uruma y corriendo e distancia den 112.3.5 seg. Berdad cu e ta corre aver sobi di agrupacion pero e otra cimantidonan no ta superior y Carlos Cruz ta un joete di experiencia cu lo sabi di haci bon uso di e ocasion awor cu e cabai ta corre cu unicamente 49 kilo. Ta varios enemigo den e careda. Pinkerton ta un di nan pero lastima cu na fin e no ta sostene su tempo. Orador cu awor ta bato e preparador G. Andrade ta otro rival d' peso. Tambe mester tene cuenta cu Llave 11 y cu Malbajar (52 kilo) cu Carlos Perez.

DI DOS CAREDA: Distancia 1300 metro. Handicap limita entre 48 y 58 kilo. Ta compet. 12 chemlar di serie 5 y 6. Tin tres yabi. Llave 7 ta forma pa Domenico (52 kilo) cu Balsani Moreira y Poseido (48 kilo) cu J. Gonzalez P. Den llave 8 ta corre Ta Bueno (52 kilo) cu Rogelio Torres y Lave 9 ta en egra pa Alone (50 kilo) cu Carlos Cruz y Fore (52 kilo) cu F. Gomez. E favoritonan ta Llave 7, llave 8 y llave 9. Lave 11 ta nos "fina" di siman. E yabi di M. Ziadie na nos opinion ta consisti di dos chemlar cu e mihorman den e careda. Sigur cu Domenico ta un rival peligroso y su companiero di yabi Poseido no ta menos peligroso. Di e oronnan nos mester menciona Te (50 kilo) cu M. Barra y Llave 9.

DI TRES CAREDA: Distancia 1400 metro. Exclusivo pa e jineanan cu no a figura den e promer d'nan riba e estadis di 1962 y tambe pa esnan cu no a logra 15 triunfo te na e reunion numero 40. Ta corre 14 chemlar di serie 8. Tin dos yabi. Llave 11 ta forma pa Ojo Por Ojo (50 kilo) cu T. Bello y Kaki (54 kilo) cu F. S. Perez. Den llave 12 ta corre Anahi (51 kilo) cu M. Moly y Perillador (49 kilo) cu J. A. Guzman. E favoritonan ta Achatado (59 kilo) cu C. Marquez. Mayorengo (57 kilo) cu J. R. Ramirez y Cheyenne (52 kilo) cu J. Gonzalez P. Nos promer candidato. Achatado ta peligroso pero e peso di 59 kilo por ta un estorbo. Nos tercer favorito ta Anahi di llave 12.

DI CUATER CAREDA: Distancia 1700 metro. Handicap liber. Ta corre 12 chemlar di serie 8. Tin un llave 11 forma pa Verdin (48 kilo) cu T. Tosta y Español (51 kilo) cu Angel Bracho. E favoritonan ta Socio (57 kilo) cu Jesus Bolivar. Surcouf (53 kilo) cu R. D. Guzman y Llave 11. Den e 12 competidonan tin solamente 3 chemlar di serie 8 cu ta Surcouf, Portugues y Verdin. Carretel ta di serie 9. E ta corre sobi di grupo. E oronnan tur ta cabainan di serie 7. Asina cu nos tin aki den 8 chemlar euga corre baha di agrupacion. E favoritonan nos ta mira cu mas probabilidad den nan nos ta prefera Surcouf cu siman pasa cabai nos a considera como un ganador. Nos segundo favorito ta Coronela (54 kilo) cu Carlos Perez. un chemlar cu den e grupi aki ta luci superior y cu ta bai riba un distancia di su agredo. Di Tamesis nos no nor bisa mucho como ta un cabai nobo cu a corre solo un careda y yega fuera di careda. Su segundo careda tabata peor.

DI CINCO CAREDA: Distancia 1400 metro. Handicap liber. Otro careda exclusivo mescos cu di tres ca-

reda. Ta corre 14 competidor di serie 9. Tin 2 yabi. Llave 10 ta forma pa tres chemlar: Queutrel (51 kilo) cu F. Fernandez. Luceo Fusco (53 kilo) cu C. Marquez y Xie (57 kilo) cu I. Gomez. Den llave 11 ta corre El Triunfo (49 kilo) cu H. Rengilo y Aturdida (148 kilo) cu J. A. Guzman. E favoritonan ta Fazendeiro (57 kilo) cu J. R. Ramirez. Llave 10 y Carta Magna (48 kilo) cu Angel Bracho. Den e grupo di serie 9 aki ta corre tres cabai cu ta pertenece den ser e 7. Ta Fazendeiro. Nene Rubio (57 kilo) cu I. Alvarez y Nagui (54 kilo) cu M. Hurtado. Den esakinan Fazendeiro ta esun mihor. Pa tur logica e mester gana pero e ta bai cu 57 kilo y e jine ta J. R. Ramirez. Carta Magna tin posibilidad y Ahuelo nis ta considera hopi peligroso. Llave 11 ta otro di tene cuenta cu.

ULTIMO CAREDA: Distancia 1300 metro. Handicap liber. Ta corre 12 chemlar di serie 7. Tin 2 yabi. Llave 9 ta forma pa Llanero (53 kilo) cu M. Camacaro y Jivete (54 kilo) cu C. Marquez. Den llave 10 tin Azopardo (53 kilo) cu J. Gonzalez P. y El Srio (48 kilo) cu F. Garcia. E favoritonan ta Llave 9. Zarak (53 kilo) cu W. Caron y M.A.P.P.S. (50 kilo) cu Milton Barra. Nos ta considera M.A.P.P.S. como e mihor chemlar. El a perde e ultimo pero promer cu sey e tin tres victoria sigi. Unhero ta un fuerte rival. Camacaro conoge e cabai bon y lo e lucha te na fin na e victoria. Fairfield (48 kilo) cu Angel Bracho ta bai honi liviano. Mester tene cuenta cu sey. Tambe e mihor Aleman por sorprende. Carnavalesco no por keda afor d'ningun combinacion.

Puntuacion di e concurso di favorito li Preza y Radio.

PROMER CAREDA: Original 40 Orador 19. Llave 11 tin 10 Albarah 5. Noticiero 5. Chiriclar 4 y Malbajar 4.

DI DOS CAREDA: Llave 8 tin 45. Llave 7 tin 27. Llave 9 tin 10. Tlacoc 3. Plun Pudding 1 y Persian Park 1.

DI TRES CAREDA: Achatado 30. Mayorengo 28. Cheyenne 12. Black Cat 2. Manueto 2. Empire Star 1. Llave 11 tin 1 y Llave 12 tin 1.

DI CUATER CAREDA: Socio 39. Surcouf 17. Llave 11 tin 12. Tamesis 7. Generalissimo 6. Coronela 4 y Portugues 2.

DI CINCO CAREDA: Fazendeiro 52. Llave 10 tin 19. Carta Magna 5. Electivo 3. Eagle Rock 2. Nene Rubio 2. Ahuelo y Llave 11 tin 1.

ULTIMO CAREDA: Llave 9 tin 29. Zarak 26. M.A.P.P.S. 12. Llave 10 tin 7. Carnavalesco 6. Fairfield 5 y Uruguayana 2.

Nos combinacion di tres cuadro pa valor di Bs. 12.

Original	Llave 11	Atharah
Atharah	Original	Llave 11
Llave 8	Llave 8	Llave 8
Achatado	Gavina	Mayorengo
Socio	idem	idem
Surcouf	idem	idem
Fazendeiro	Fazendeiro	Fazendeiro
Llave 9	MAPPs	C'valesco

Nos combinacion di seis cuadro pa valor di Bs. 32.

Original	Original	Llave 11	Llave 11	Atharah	Atharah
Llave 7	idem	idem	idem	idem	idem
Llave 8	idem	idem	idem	idem	idem
Achatado	Gavina	Gavina	Achatado	U'guayana	U'guayana
Socio	idem.	idem.	idem.	idem.	idem.
Surcouf	idem.	idem.	idem.	idem.	idem.
Fazendeiro	Fazendeiro	Fazendeiro	Fazendeiro	Fazendeiro	Fazendeiro
Llave 9	MAPPs	Llave 9	MAPPs	C'valesco	Fairfield

BON SUERTE PA TUR Y TE OTRO SIMAN.

YABI

pa bo exito

Avisa den COURANT

Arubaanse y compere resultado !!

Di un simpel bombillo

te na instalacionnan electrico di mas complica, nos ta hac eficiente, rapido y na prijsnan razonable. Pa cualquier informacion sin ningun obligacion acudi na:

GEBR. VAN SWAAY
Fergusonstr. 41 - Dakota - Tel. 1878

CORDA CU TE AWE

(14 DI JULI 1962)

TIN OPORTUNIDAD PA MANDA BO CONTESTANAN ADEN PA PARTICIPA DEN

CONCURSO DI ANJA

(Nr. 2)

E concurso sensacional aki den cual cantidad di nos lectores ta participando, ta sali cada dos siman y cada dos siman tin un ganador di FL. 50.!!

Fl. 50— la bo recompensa, practicamente sin ningun molester.

Pa mas detalles weita nos edicion di dialuna 9 juli u.p.

Slim Fat Away

If fat ruins your figure or makes you short of breath and endangers your health, you will find it easy to lose a half pound a day with the new Hollywood method called POLYMODE. No drastic dieting or exercise. Absolutely safe. Ask your chemist for FORMODE and start slimming tomorrow.

BO TAPE-RECORDER TA DEFECTO?

Nos ta dreche pa bo denter di 3 dia.

CASA ELECTRONICA
(Banda di Viana) - Tel. 5371

DE NEDERLANDSE ANTILLEN

BEKENDMAKING

Ieder, die meent gerechtigd te zijn in onroerende goederen, welke gelegen zijn op de eilanden St. Maarten (Ned. Ged.), St. Eustatius of Saba, wordt uitgenodigd daarvan te doen blijken door de inlevering van een ingevuld formulier, hetwelk verkrijgbaar is op alle kadasterkantoren in de Nederlandse Antillen of op verzoek gratis door de Gezaghebber van het Eilandgebied de Bovenwindse Eilanden, op St. Maarten, zal worden toegezonden.

Opdat met ieders rechten rekening kan worden gehouden bij de registratie van alle onroerende goederen op deze eilanden is aanmelding daarvan vóór of op 31 december 1962 door ieder gerechtigde van groot belang.

De Administrateur van Financiën van de Nederlandse Antillen.

NETHERLANDS ANTILLEN

NOTICE

All persons, considering themselves entitled to ownership of real estate situated in the islands of St. Maarten (Netherlands Division), St. Eustatius or Saba, are hereby invited to make such known by presentation of a completed form. The forms can be obtained at all land registry offices in the Netherlands Antilles or will be forwarded gratis, by the Lieutenant Governor of the Windward Islands, St. Maarten.

In order that effect can be given to the rights of all persons in the registration of all real estate in aforementioned islands, application on or before the 31st of december 1962, is of major importance to those entitled.

The Administrator of Finance in the Netherlands Antilles.

TA BENDE UN CAS

No. 14 na Shirlana, ariba terreno propiedad, excelente lugar pa biba, poco pabao di misa di Paradera.

TAMBE UN CAS

No. 32 na Moko Nuñe, Noord, terreno grandi. Propiedad cu ecranu di cabrito manso, carne y gallina.

Pa informacion acudi serca: L. W. P. NADI, na direccion menciona ariba. Empleo di Lago Elctrical.

Schurftkiemen in 7 Minuten Gedood

Uw huid heeft bijna 50 miljoen gleuften en poriën, waar ziektekiemen zich in verbergen en verspreiden. Jeuk, Bistien, Pezem, Schrijnen, Bloedvinnen, Ringwormen, Psoriasis, Vetuulstjes, Puistjes, Schurt en andere besmettingen veroorzaken. Gewone behandelingen geven slechts tijdelijk verlichting, omdat zij de oorzaak niet doden. De nieuwe ontdekking, Nixoderm, doodt de ziektekiemen in 7 minuten, garandeert u een zachte, gevoelige huid binnen een week, of ge krijgt uw geld terug tegen het geldpakje. Haal nog heden de gegarandeerde Nixoderm bij uw apotheker en verwijder de werkelijke oorzaak van huidziekten.

Nixoderm
Tegen Huidziekten

Descubrimiento Quimico Di Un Lotion Nobo

CABEY BUNTA YEN DI ONDA

SIN LIQUIDONAN PERMANENTE

Asina natural como si fuera ta bo mes cabel, asina natural y bunita — cu krul y onda segun ultimo modanan, asina bo cabel por ta.

Sin liquidonan permanente, sin neutralizer, sin lak of stofnan cu ta plak den bo cabel bo por logra esey. Ta sorprendente con cabellnan cu ta difici pa krul cu un simpel tratamiento ta keda yen di onda como si fuera ta natural nan ta. Y loque ta mas importante: bo no tin nodi pone krulspeld tur anochi, pasobra e ondanan ta keda aden..... Bo por hac loque bo ke cu bo cabel, bo por drumi ariba y biento no ta bruh..... Bo ta pasa penja un blahu den dje y e gofman suave y krulnan bunita ta bolbe na nan luga manera cu l'asina bo cabel tabata.

Y loque ta mas importante: Bo cabel ta banja un bello bunita, e ta suave, bunita y natural. Y e no ta keda manera despues di permanent, cu bo cabel ta keda manera un boshi yerba..... Bo cabel no ta keda plak cu stof aden..... Bo penja no ta keda plak manera estilonan blewn. Perform ta sigur pa tur tipo y estructura di cabel. E krulnan y ondanan despues di un sinman ta mescos cu e prome dia y e no ta costa bopi!

Cabei ondula asina natural como si fuera ta bo cabel mes l'asina!

UN OFERTA PA CONVENCE BO

Bastante Perform Hair Waving Solution pa tratamiento di cabel pa 8 damas y mucha ta worde ofrecé pa solamente f. 3.45. Ta garantisa satisfaccion completo, sino bo ta banja bo cen back. Si, ataqi porfin e descubrimiento riba cual damas, cu ta conveni di elegancia di un penja bunita, a warda.

Corda e nomber aqui bon:

PERFORM HAIR WAVING LOTION
Obtenible na tur botica y supermarket.

PENJE DEN DJE

Sprei simplemente poco Perform Hair Waving Lotion riba bo cabel, penja bo cabel y pone bo krulspeldnan di eustumber y lagé seca. Su unicie ya bo cabel tin krul bunita y onda natural. Bo cabel no ta keda bruba, ni di plak, bo no tin nodi bolbe husa krulspeld.

Con cu weer ta, humedo of cayente, bo onda di Perform ta keda despues di un sinman mes bunita cu e prome dia. Tuma un prueba cu e experimentu nobo y sorprendente aqui.

Satisfaction Guaranteed or Money Back!

SUPER ECONOMY SIZE \$2.50 Prices Plus Tax

Distribuidores:

CURACAO COMMERCIAL CO.
Curacao - Tel. 24054

BEAUTILITIES (Aruba) INC.
Oranjestad - Tel. 2113

CISCO KID

1. „Dos mio! Por ta cu e stranjero cu ta b'hi a Juan ta e saltador di trein?” 2. „E huella ta un identificacion... pero no un prueba!” 3. „Lo mi mirabo na otro bialha Pristilla?” „Pa mi parti encantada!”

Derechos Reservados.

presenta pa cortesia di YORK

e prome cigarilla tamanjo IMPERIAL

Alreaccondicla, Boerhaavestraat 12, Oranjestad, Tel. 2750. Pcinadé gradua cu experiencia di ultima moda. Solamente \$12.50 pa clientenan di luna, ademas pa cada \$25 gasta serca nos, e cliente ta ricibi un SORPRESA. Bishita nos y keda satisfecho.

AVENTURA DI OLLE

presenta pa cortesia di SELMA'S KAPSALON

Bo por comprende cu e profesor ta spanta y Ollambe. Kende por a mira un cos strano as na. Ta bon mes cu e lagadishi grandi ta mira un poco contentu. „Ora cu mi jega cas yingun hende no ta kere cu mi a mira un lagadishi astia”. E profesor ta bis. Pero Kulibul ta bisa Olle un cos den su oreca. „Berdad.” Olle ta b'sa. y e ta habri su wewonan asina grandi. „Kulibul a bisa cu e ta regalabo e lagadishi.” Olle ta b'sa.

REY DE COPAS

Ta Regala **Fls. 7500**

**Participa den e Grandioso concurso aqui cu
ta ofrece bo e oportunidad di por GANA,
UN FIAT 1300**



OF

**Un Tocadisco Stereo G.E. y un Refrigeradora
G.E. model E. 50**

OF

**Un Refrigeradora G.E. model 50 y un RADIO
Transistor model T. 145**

OF

6 Premio di Fls. 100 na Cash

OF

100 Premio di mei Gal. Ron Rey de Copas

Bo por hanja cuanto Boleto cu bo que.



Pa diez capsula di Rey de Copas un boleto
Pa un botter di 1/2 gal. bashi di Rey de Copas un boleto
Pa dos botter di 12/1 gal. bashi di Rey de Copas un boleto
Pa cuater botter di 24/2 gal. bashi di Rey de Copas
un boleto
Pa ocho botter di 48/4 gal. bashi di Rey de Copas un boleto

E Sorteo ta hunga riba biljechi di gobierno di dia 16 di Augustus 1962

REY DE COPAS

ARUBA DISTILLING COMPANY

WILHELMINASTRAAT 47 TEL: 1266

MANCHANAN MAHOS TA HACI MANNAN MAHOS

Tina un prueba cu FAYD, e crema di cuti misteriosamente cu ta quita pelshi, spoci y manchanan bruto di edad y otro excema rila man y cara y ta haci bo cara

COMPLETAMENTE SANO

Na larga e manchanan fastioso aqui haci bo mannan bieu y percura pa solo na larga razonan mahos atras riba bo tez. FAYD ta e medio activo pa quita na un manera facil e manchanan exterior y p'esei asina mahos. Si FAYD no ta yuda bo manera e ta primiti, bo ta hunja bo placa back.



Gratis un potchi di prueba pa 30 dia

Un 3/4 ons POTCHI CREMA FAYD comprando un potchi grandi di 3 ons.

HUNTU PA E PRIJS DI FL. 6.75

Usa e potchi di prueba 30 dia. Si e no ta satisfice bo, anto entregando e potchi grandi di FAYD — contal cu e no ta habri — bo por hanja bo placa back.

Curacao Commercial Co. Beautilities (Aruba) Inc.
Curacao - Tel. 24054 Oranjestad - Tel. 2113

GRATITUD

Pa medio di esaki nos kier gradici tur bisinja, familia y conocirnan cu di un manera of otro a muntra nan atencion durante enfermedad y morto di nos querida esposa, mama, suegra y jiu

MARIA BERNADINA MADURO

Particularmente nos kier gradici tur nurse di Lago Hospital, tambe Sra. Maria Koolman y Sra. Rufina Maduro.

Na number di su esposo: Rafael Maduro, jioenan Juanita Damian, Marco, Chido, Margarita, Jacobo, Marcolina, Reineta, Francisca, Ada Maduro, jioe di crianza: Mario Gomez, suegro: Porfirio Damian, suegra: Elsa Maduro y muma Petronilla Angela.

AGENDA

Imprimi na N.V. Drukkerij „De Stad“ Theatersstraat 11, Willemstad Edicion suabo oblenible na 20 cent na: Union Siera, San Nicolas - Bookhandel Marika, Oranjestad y Cabana Shop

Edici pa: N.V. ARUBAANSE DRUKKERIJ EN UITGEVERIJ EN PUBLICITEITS BUREAU Nieuwestraat 85 - Oranjestad, Aruba N.A.

ARUBAANSE COURANT diariamente cu excepccion di diadomingo.

Suscripcion / 3.25 paga adelante Edicion suabo 20 ct.

Teléfono 2116 Redaccion y suscripcion 1116 Directiva y anuncio Director-hoofdredacteur: D. Wolff

CINE

Diasabra 14 di juli 1962 DE VEEH: 8.30 or. „The last of the Mohicans“ A.L. PRINCIPAL: 8.00 or. „Hey, let's twist“ A.L. AURORA: 8.00 or. „Splendor in the grass“ 18 J. SAVANETA: 8.00 or. „Cimarron“ A.L. Diadomingo 15 di juli 1962 DE VEEH: 8.00 or. „The second time around“ A.L. 8.30 or. „The Hustler“ 18 J. PRINCIPAL: 8.00 or. „Toby Tyler“ A.L. 8.00 or. „Psycho“ 18 J. AURORA: 8.00 or. „Edge of eternity“ A.L. 8.00 or. „Splendor in the grass“ 18 J. SAVANETA: 8.30 or. „Jungle cat“ A.L. 8.00 or. „The inn of the sixth happiness“ A.L.

BOTICANAN DI WARDIA Oranjestad: BOTICA ARUBA, tel. 1081 San Nicolas: BOTICA SAN LUCAS, tel. 5119

PARTERA

Zr. Th. E. Gibbs, J.G. Emastraat 72 Oranjestad, tel. 1355

WIT-GELE KRUIS

Oranjestad: Zr. Ewaldia San Nicolas: Zr. Perpetua Santa Cruz: Zr. Ludovic

DOKTERNAN DI WARDIA Oranjestad: Noord 14 y 15 Juli Dr. C. van der Bijl. St. Nicolas: Sav. - Sta. Cruz 14 y 15 Juli Dr. J. C. H. Jansen.

ROOMS-KATHOLIEKE KERKDIENSTEN Oranjestad: St. Franciscus Kerk. 6 or a.m. 7.15 a.m. (misa pa muchas solamente). 8.30 a.m. (misa cantu). 5.00 p.m. y 7.00 p.m. San Nicolas: H. Theresia Kerk. 5.00 a.m. 6.15 a.m. 7.30 a.m. (Kinderen) 8.30 a.m. y 5.00 p.m.

Sta. Cruz: Kerk v.d. Onbevleete Onvangenis. 5.00 a.m. 6.30 a.m. 7.30 a.m. (Kinderen) 8.30 a.m. Savaneta: Heilige Hart Kerk. 5.00 a.m. Gebedsdienst. 7.30 p.m. Escuela Sabatica 11.00 a.m. Serbishi di Iglesia. Tur diasabado: 9.30 a.m. Escuela Sabatica 11.00 a.m. Serbishi di Iglesia. Tur diasabado: 7.30 p.m. Serbishi di Iglesia di Curacaoal na Socotero. Iglesia di San Nicolas na Essoville.

PROTESTANTSE KERKDIENSTEN Oranjestad: 15 Juli 9 uur v.m. Dr. Jakobus. Pterre Plat 15 Juli 9 uur v.m. Dr. Visser. San Nicolas: 15 Juli 5.30 n.m. Dr. Visser

Cumpleanjo

Awe ta celebra su feliz cumpleaños e simpatica senjorita Helen Henriquez. Felicitaciones ta bini especialmente di su mama stima Ana, di su rumanan Norma, Vera, Asucena, Baby, di su sobrinanan y di Obdulio Berg y di amigo y conocirnan y especialmente di personal di Kees Grocery.

ENTER DIA BO TA SINTI BO FRESCO

cu **AIRE-ACONDICIONADO**

Bo no tin AIRCO ainda? No perde tempo, busca uno awe mes. Pa tur informacion:



WACHT NIET TE LANG.... doch breng tijdig uw FOTOBENODIGDHEDEN in orde voor het a.s. bezoek van HH.KK.HH. Prinses Irene en Prinses Margriet.

Koop uw films, lichtmeter, camera, afdruppapier, etc. bij

PHOTO EL GLOBO

ATTENTIE — ATTENTIE !!

De volgende week is het de laatste week van onze **GROTE UITVERKOOP** 70% KORTING OP ZEER VELE ARTIKELN !!!

ARUBA TRADING COMPANY

Oranjestad - San Nicolas.

TERRITORIO INSULAR DI ARUBA

Presidente di Oficina Central Electoral di Teritorio Insular di Aruba ta participa cu e resolucioin cu cual Sr. F. S. Kelly a ser nombra como miembro di Eilandsraad di Aruba pa reemplaza Sr. O. S. Henriquez, ta poni na Oficina di Censo caminda un y tur por tuma nota di su contenido.

Aruba, 12 juli 1962.

Presidente di Oficina Central Electoral.

UN HOGAR SIN AMOR

(Pa: TUYUCHI)

presenta pa cortesia di

HOLLANDSE BANKETBAKKERIJ

Oranjestad tel. 2798 — San Nicolas tel. 5478

E mehor adres pa Bolo y tur clase di pasa-boca. Diariamente fresco.

— No. 48 —

„Mi a pega sonjo sinta aqui riba banki, pero... en realidad ta cu bo mi quier a combersa un ratu, Rita.“ „E mucha muhe a muntra na su maleta.“

Bo ta flaco?



Un metodo nobo y sorprendente- mente simple cu ta halza bo peso y duna bo un figura mas yen y fuerte. Hombnan, muhernan y muchanan cu ta flaco pasobra nan no tin apetito por hanja peso rapido gracias na WATE-ON. E ta fortificante y digestible. WATE-ON ta un alimento di alta caloria, pesey tanto peso extra.

E ta laga bo peso snbi rapido.

WATE-ON ta contene Vitamina D, Vitamina B12 (pa fortifica bo sangre) tambe Vitaminanan B1, B2, B3. Ademas di desarollo di un figura saluadable y fuerte WATE-ON ta aumenta energia y forza di bida. Bo no ta sinti bo desanima ni cansa — den termino di algun siman bo ta mas balente, bo ta sinti bo mas fuerte y yen di enrgia. Cumpra un botter awe mes.

Purba

WATE-ON

Nobo y sorprendente

f. 6.60

E alimento completo cu ta yena bo

Distr:

CURACAO COMMERCIAL CO.

Willemstad, Curacao N.A.

Tel. 24054

BEAUTILITIES (ARUBA) INC.

Oranjestad — Tel. 2113

DICK TRACY pa cortesia di: CIGARIA ANTILLANA e cigar mas preferi

Cu filter y sin filter. Agente: J. H. (Yendi) Croes — Aurora Bar - Tel. 1041.



RIP KIRBY pa cortesia di: Jan Bodegom en Co (Aruba) N.V. TEL. 1284-1402

agente exclusivo di FRIESCHE VLAG lechi evaporado y lechi en polvo. MAXWELL HOUSE KOFFIE



EL DIARIO DE UNA VIDA presenta pa cortesia di: REFRESQUERIA INGRID Tel. 1849

★ e mehor adres pa snacks, tur clase di dushi, softdrinks, ice-cream y revistas



PEPITA pa cortesia di: Antillian Hardware Co

Bo mehor adres pa HERMENT, Y TUR MATERIAL DI CONSTRUCCION!



RIES 21 Maart — 20 April



Ora cu bo cuminsa tempran, lo bo hunja bo riba bon caminda. Pues tempran ta bende.

TAURUS 21 April — 20 Mei



Conta otronan loque cu bo ta spera i desea, di moda cu nan por yuda bo bai di lanti.

GEMINI 21 Mei — 20 Juni



E aspectonan ta sublime pa negoci- shi i asuntunan cu hendenan di autorizacion.

CANCER 21 Juni — 22 Juli



Si acaso bo scucha na conse- ho i opinion di otronan, tur cos ta bai bon pa bo.

LEO 23 Juli — 22 Augustus



E aspectonan ta bira algu mehor i riba terreno financiero bo por logra hopi, basta cu bo haci esei solitario.

VIRGO 23 Augustus — 22 September




Sea objectiva i ripara tur cos foi un punto di vista di otronan. Bo por sinja algo di otronan.

LIBRA 23 September — 22 October



E aspectonan awor ta favorable pa bo negociashon of pa bo trabao en general.

SCORPIO 23 October — 22 November



E aspectonan awor ta favorable pa bo negociashon of pa bo trabao en general.

SAGITARIUS 23 November — 21 December



E circunstancianan ta trece bo den humor pa mas expansion. No desculda bo trabao mainta.

ACUARIO 23 December — 19 Januari



Bo asunto mes no ta favorable. Pero duna preferencia na esun di otronan. No preocupa bo.

PISCES 19 Februari — 20 Maart



E mehor aspectonan ta favorece awe extension di relacionnan i contactonan nobo.

ACUARIO 20 Januari — 18 Februari



E aspectonan di awe ta hopi mas mehor den asunto di cumplimentu i bende- mentu.

PISCES 19 Februari — 20 Maart



Bo por tin awe particularmente hopi exito den andamentu cu otronan.